

Málefni: Samantekt eftir fund Fjallabyggðar með Vegagerðinni 8. nóvember 2016

Gunnar I. Birgisson bæjarstjóri og Ármann Viðar Sigurðsson deildarstjóri tæknideildar fóru á fund Vegagerðarinnar á Akureyri miðvikudaginn 8. nóvember 2016. Á fundinum var fyrir hönd Vegagerðarinnar Gunnar H. Guðmundsson umdæmisstjóri.

Fjallabyggð óskaði eftir fundinum vegna yfirferðar á málefnum Vegagerðarinnar sem snúa að Fjallabyggð og eftirfylgni frá síðasta fundi sem haldin var 2. mars 2016.

Eftirfarandi málefni voru rædd:

- Yfirlagnir á malbiki í gegnum Ólafsfjörð og Siglufjörð.
Fjallabyggð bendir á að ástand á malbiki á þjóðvegi í gegnum Ólafsfjörð og Siglufjörð er mjög bágborið og er orðið mjög aðkallandi að yfirleggja. Ef ekkert verður að gert þá mun verða miklu kostnaðarmeira að lagfæra slitlagið en ella. GHG er sammála um að bregðast þurfi við og taldi líklegt að hægt væri að yfirleggja hluta í Ólafsfirði á næsta ári. Einnig upplýsti Fjallabyggð að farið verði í lagfæringar á fráveitu í Túngötu á milli Aðalgötu og Eyrargötu á árinu 2017. Aðkomu Vegagerðarinnar er óskað þar sem um þjóðveg í þéttbýli er að ræða og yfirborð vegar á þeirra hendi. GHG reiknaði með að þeir gætu tekið sinn hluta í framkvæmdinni, sem er burðarlög og yfirborðsfrágangur.
- Hraðamæling með ljósaskiltum við innkomur í Siglufjörð og Ólafsfjörð.
Búið er að setja 2 stk og virka þau vel. Fjallabyggð óskar eftir verkefnið verði klárað á næsta ári og 2 stk í viðbót verði sett upp. GHG upplýsti að Vegagerðin muni sækja um í öryggissjóð til þess að klára verkefnið.
- Vegur að skíðasvæði í Skarðdal (Skarðsvegur).
Búið er að frumhanna framlengingu á veginum og verkefnið er komið á samgönguáætlun. GHG upplýsti að nú færi lokahönnun í gang og útboð í framhaldi.
- Skógræktin Siglufirði.
Fjallabyggð sótti um styrkveg á vef Vg í október 2015 um að hækka vegtenginguna og að setja ristarhlið við innkomu. Fjallabyggð fékk úthlutað styrk upp á 1.000.000 og er verkefninu lokið. ÁVS skildi eftir afrit af reikningum vegna verksins handa Leonard skrifstofustjóra.
- Gatnamót í miðbæ Siglufjarðar (Meinhorn), Gránugata - Snorragata.
Vegagerðin hefur samþykkt að taka þátt í skipulagsvinnu og er málið í vinnslu hjá Fjallabyggð. Erna B. Hreinsdóttir mun vera fulltrúi Vg í þessari vinnu. Fulltrúar Fjallabyggðar leggja áherslu á að fá fjárveitingu úr umferðaröryggissjóði og reiknað er með að framkvæmdir hefist á árinu 2018.
- Saurbæjarás
Á fundi 7. október 2015 óskaði Fjallabyggð eftir að settur yrði vindmælir við hliðina á vefmyndavél sem er við gangamunna Héðinsfjarðarganga. Vegagerðin ætlaði að skoða málið og er það enn í vinnslu. Fjallabyggð ítrekaði ósk sína um vindmælir.

- Hámarkshraði í gegnum Ólafsfjörð. ÁVS upplýsti að skipulags- og umhverfisnefnd Fjallabyggðar hefði samþykkt að lækka hámarkshraða á þjóðveginum í gegnum Ólafsfjörð úr 50km/klst í 35km/klst.
- Snjósöfnun á Saurbæjarás. Fjallabyggð sendi erindi vegna málsins 24. febrúar 2015. Vegagerðin hefur mælt upp svæðið og fyrir liggur tillaga að lausn á snjósöfnun en ekki hefur verið ákveðið um framkvæmd.


Gunnar I. Birgisson
Bæjarstjóri
Ármann Viðar Sigurðsson
Deildarstjóri tæknideildar